

Май ауданының шалғайдағы елді мекендерінде тұратын балаларды жалпы білім беру мектептеріне тасымалдау схемалары мен тәртібін бекіту туралы

Күшін жойған

Павлодар облысы Май аудандық әкімдігінің 2016 жылғы 18 тамыздағы № 167/8 қаулысы. Павлодар облысының Әділет департаментінде 2016 жылғы 14 қыркүйекте № 5233 болып тіркелді. Күші жойылды - Павлодар облысы Май ауданы әкімдігінің 2024 жылғы 28 мамырдағы № 132/5 қаулысымен

Ескерту. Күші жойылды - Павлодар облысы Май ауданы әкімдігінің 28.05.2024 № 132/5 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) қаулысымен.

Қазақстан Республикасының 2001 жылғы 23 қаңтардағы "Қазақстан Республикасындағы жергілікті мемлекеттік басқару және өзін-өзі басқару туралы" Заңының 31-бабына, Қазақстан Республикасының 2003 жылғы 4 шілдедегі "Автомобиль көлігі туралы" Заңының 14-бабы 3-тармағының 3-1) тармақшасына сәйкес, Май ауданының әкімдігі **ҚАУЛЫ ЕТЕДІ:**

1. Мыналар:

1-8 қосымшаларға сәйкес Май ауданының шалғайдағы елді мекендерінде тұратын балаларды жалпы білім беру мектептеріне тасымалдау схемалары;

9 қосымшаға сәйкес Май ауданының шалғайдағы елді мекендерінде тұратын балаларды жалпы білім беру мектептеріне тасымалдау тәртібі бекітілсін.

2. Май ауданы әкімдігінің 2015 жылғы 2 шілдедегі "Май ауданының шалғайдағы елді мекендерінде тұратын балаларды жалпы білім беру мектептеріне тасымалдау схемалары мен тәртібін бекіту туралы" № 198/7 қаулысының (Нормативтік құқықтық актілерді мемлекеттік тіркеу тізілімінде 2015 жылғы 20 шілдеде № 4616 болып тіркелді, 2015 жылғы 25 шілдедегі № 30 аудандық "Шамшырақ" газетінде жарияланды) күші жойылды деп танылсын.

3. Осы қаулының орындалуын бақылау аудан әкімінің экономикалық сұрақтары бойынша орынбасары Д.М. Сейітқазинге жүктелсін.


4. Осы қаулы алғаш ресми жарияланған күннен бастап қолданысқа енгізіледі.

Аудан әкімі


А. Қаңтарбаев

Май ауданы әкімдігінің
2016 жылғы "18" тамыздағы
№ 167/8 қаулысының
1-қосымшасы

**Х. Сейітқазин, 8 Март бөлімшелерінде тұратын балаларды
Қаратерек орта мектебіне тасымалдау схемасы**




Шартты белгілер:

-  - Қаратерек ауылының орта мектебі
-  - автобустың маршруты
-  - автобустың маршруты
-  - бөлімше

L – Қаратерек орта мектебінен бөлімшелерге дейінгі ұзақтығы


Май ауданы әкімдігінің
2016 жылғы "18" тамыздағы
№ 167/8 қаулысының
2-қосымшасы

**Ферма № 1, Ферма № 2 бөлімшелерінде тұратын балаларды
Малайсары орта мектебіне тасымалдау схемасы**



Шартты белгілер:

 - Малайсары ауылының орта мектебі


 - автобустың маршруты

 - бөлімше

L – Малайсары орта мектебінен бөлімшелерге дейінгі ұзақтығы

Май ауданы әкімдігінің
2016 жылғы "18" тамыздағы
№ 167/8 қаулысының
3-қосымшасы


**Қызыл Октябрь ауылында тұратын балаларды
Саты орта мектебіне тасымалдау схемасы**



Шартты белгілер:



- Саты ауылының орта мектебі



- автобустың маршруты




- бөлімше

L – Саты орта мектебінен дейінгі ұзақтығы

Май ауданы әкімдігінің
2016 жылғы "18" тамыздағы
№ 167/8 қаулысының
4-қосымшасы


**Жұмыскер разъезінде тұратын балаларды
Қазан орта мектебіне тасымалдау схемасы**



Шартты белгілер:



- Қазан ауылының орта мектебі



- автобустың маршруты




- Жұмыскер разъезді

L – Қазан орта мектебінен дейінгі ұзақтығы

Май ауданы әкімдігінің
2016 жылғы "18" тамыздағы
№ 167/8 қаулысының
5-қосымшасы


**Кіші Ақжар жер телімінде тұратын балаларды
Ақжар орта мектебіне тасымалдау схемасы**

Кіші Ақжар жер телімі
L= 16 километр



Шартты белгілер:

 - Ақжар орта мектебі

 - автобус маршруты


 - бөлімше

L – Ақжар орта мектебінен бөлімшелерге дейінгі ұзақтығы

Май ауданы әкімдігінің
2016 жылғы "18" тамыздағы
№ 167/8 қаулысының
6-қосымшасы

**Еңбекші бөлімшесінде тұратын балаларды
Май орта мектебіне тасымалдау схемасы**


Кіші Ақжар жер телімі $L = 13$ километр



Шартты белгілер:



- Май орта мектебі



- автобус маршруты




- бөлімшесі


L – Май орта мектебінен бөлімшеге дейінгі ұзақтығы


Май ауданы әкімдігінің
2016 жылғы "18" тамыздағы
№ 167/8 қаулысының
7-қосымшасы

Жаңа Тілек және Бозша ауылы, Талды және Қошай жер телімдерінде
тұратын балаларды Баскөл орта мектебіне тасымалдау схемасы



Шартты белгілер:

 - Баскөл орта мектебі


 - автобус маршруты

 - бөлімше


L – Баскөл орта мектебінен бөлімшеге дейінгі ұзақтығы

Май ауданы әкімдігінің
2016 жылғы "18" тамыздағы
№ 167/8 қаулысының
8-қосымшасы

**Белогорский ХПП ауылы, Көктөбе станциясы,
Кеңтүбек ауылы және Учхоз жер телімі бөлімшелерінде тұратын
балаларды Көктөбе орта мектебіне тасымалдау схемасы**



Шартты белгілер:

-  - средняя школа села Коктобе
-  - маршрут автобуса
-  - бөлімше
-  - темір жол
-  - Кеңтүбек ауылы
-  - Көктөбе станциясы

L – Көктөбе орта мектебінен бөлімшелерге дейінгі ұзақтығы

Май ауданының шалғайдағы елді мекендерінде тұратын балаларды жалпы білім беру мектептеріне тасымалдау тәртібі

1. Жалпы ережелер

1. Осы Май ауданының шалғайдағы елді мекендерінде тұратын балаларды жалпы білім беру мектептеріне тасымалдаудың осы тәртібі Қазақстан Республикасы Үкіметінің 2014 жылғы 13 қарашадағы "Жол жүрісі қағидаларын, Көлік құралдарын пайдалануға рұқсат беру жөніндегі негізгі ережелерді, көлігі арнайы жарық және дыбыс сигналдарымен жабдықталуға және арнайы түсті-графикалық схемалар бойынша боялуға тиіс жедел және арнайы қызметтер тізбесін бекіту туралы" № 1196 қаулысына, Қазақстан Республикасы Инвестициялар және даму министрі міндетін атқарушының 2015 жылғы 26 наурыздағы "Автомобиль көлігімен жолаушылар мен багажды тасымалдау қағидаларын бекіту туралы" № 349 бұйрығына сәйкес әзірленген және Май ауданының шалғайдағы елді мекендерінде тұратын балаларды жалпы білім беру мектептеріне тасымалдау тәртібін айқындайды.

2. Автокөлік құралдарына қойылатын талаптар

2. Балаларды тасымалдауға Қазақстан Республикасының заңнамасына сәйкес техникалық байқаудан өткен көлік құралдары жіберіледі. Бұл ретте автобустардың конструкциясы мен техникалық жағдайы тиісті стандарттардың талаптарына сай болуы қажет.

Балаларды тасымалдауға арналған автобустар мыналармен жабдықтауы тиіс:

1) автобустың алдында және артында "Балаларды тасымалдау" деген төрт бұрышты айыратын белгі орнатылуы тиіс;

2) сары түсті жарқылдауық шағын маякпен;

3) әрқайсысының сыйымдылығы кемінде екі литр болатын, оңай алынатын екі өрт сөндіргіштермен (біреуі - жүргізушінің кабинасында, басқасы - автобустың жолаушылар салонында);

4) дәрігерлік алғашқы көмек екі қобдишаларымен (автомобильді);

5) екі жылжуға қарсы тіректермен;

6) апаттық тоқтау белгісімен;

7) колоннада жол жүргенде - автобустың алдыңғы терезесінде қозғалыс бағытымен оң жағында орнатылатын, автобустың колоннадағы орны көрсетілген ақпараттық кестемен;

8) санитариялық-эпидемиологиялық қорытындысы болуы тиіс.

3. Балаларды тасымалдауға пайдаланатын автобустарда мыналар болуы қажет

:

ешқандай кедергісіз ашылып, жабылатын жолаушылар салонының есіктері мен апаттық люктер. Есіктерде өткір немесе олардың бетінен алыс тұрған шығыңқы жерлер болмауы тиіс;

жабық жай-күйде жүргізушінің кабинасы мен жолаушы салонына жауын-шашынның түсуін толық болдырмайтын төбе, авариялық люктер және терезелер;

берік бекітілген тұтқалар және отырғыштар;

жолаушыларға арналған креслолардың отырғыштары мен арқалықтарының таза және жыртықсыз тыстары;

тегіс, шығыңқы жерлері немесе бекітілмеген бөлшектері жоқ баспалдақтары мен салонның едені. Салон еденінің жамылғысы жыртықсыз біртұтас материалдан жасалуы тиіс;

шаңнан, кірден, бояудан және олар арқылы көруді төмендететін өзге де заттардан тазартылған терезелердің мөлдір шынылары;

жылдың суық мезгілінде жылытылатын және ыстық мезгілінде желдетілетін, құрал-сайман және қосалқы бөлшектер тиелмеген жолаушылар салоны.

4. Автобустардың салондарын ылғалды жинау ауысымда кемінде бір рет және ластануына қарай жүргізіледі.

5. Сыртқы шанақты жуу ауысым аяқталғаннан кейін өткізіледі.

3. Балаларды тасымалдау тәртібі

6. Автобуста тасымалданатын балалардың саны отыратын орындар санынан аспауы тиіс.

7. Оқу орындарына тасымалдауды ұйымдастыру кезінде маршруттарды және балаларды отырғызудың және түсірудің ұтымды орындарын белгілейді.

8. Автобусты күтіп тұрған балаларға арналған алаңшалар, олардың қозғалыс бөлігіне шығуын болдырмайтындай жеткілікті үлкен болуы тиіс.

Егер балаларды тасымалдау тәуліктің қараңғы мезгілінде жүзеге асырылса, онда алаңшалардың жасанды жарығы болуы тиіс.

Күзгі-қысқы кезеңде алаңдар қардан, мұздан, кірден тазартылуы тиіс.

9. Балаларды оқу орындарына тасымалдауға тапсырыс беруші балаларды отырғызу және түсіру орындарының жай-күйін тұрақты түрде (айына кемінде бір рет) тексереді.

10. Балалар топтарын 22.00-ден бастап 06.00 сағатқа дейін автобустармен тасымалдау, сондай-ақ көрінім жеткіліксіз жағдайда (тұман, қар жауған, жаңбыр және басқалар) рұқсат етілмейді.

Тасымалдау қауіпсіздігіне қатер төндіретін жол және метеорологиялық жағдайлардың қолайсыз өзгеруі кезінде, автобустардың қозғалысын уақытша тоқтату туралы қолданыстағы нормативтік құжаттарда көзделген жағдайда

тасымалдаушы рейсті алып тастауға және бұл туралы тапсырыс берушіге дереу хабарлауы керек.

11. Автобустардың қозғалыс кестесін тасымалдаушы білім беру ұйымдарымен келіседі.

Жол жағдайларының қолайсыз өзгеруі кезінде, басқа жағдайлар кезінде (қозғалысқа шек қою, уақытша кедергілердің көрінуі, бұл жағдайда жүргізуші кестеге сәйкес жылдамдықты жоғарылатпай жүре алмайды), кесте жылдамдықты төмендету жағына (қозғалыс уақыттарының артуына) түзетіледі. Білім беру ұйымдары кестенің өзгеруі туралы балаларды дер кезінде хабарландыру бойынша шаралар қолданады.

12. Балалардың ұйымдастырылған топтарын тасымалдауларына жеті жастан кіші балаларға рұқсат етіледі.

Жеті жасқа толмаған балалар білім беру мекемесі қызметкерлерімен, сондай-ақ ата-анасымен және Қазақстан Республикасының заңнамасына сәйкес оларды алмастыратын тұлғалармен жеке алып жүруі кезінде ғана жол жүруге рұқсат етілуі мүмкін.

13. Балаларды тасымалдау үшін мынадай жүргізушілерге рұқсат етіледі:

1) жасы жиырма бес жастан кем емес, тиісті санаттағы жүргізуші куәлігі және жүргізушінің бес жылдан кем емес жұмыс өтілі бар;

2) автобустың жүргізушісі ретіндегі кемінде соңғы үш жыл үздіксіз жұмыс өтілі бар;

3) соңғы жылдары еңбек тәртібін және "Жол жүрісі қағидаларын, Көлік құралдарын пайдалануға рұқсат беру жөніндегі негізгі ережелерді, көлігі арнайы жарық және дыбыс сигналдарымен жабдықталуға және арнайы түсті-графикалық схемалар бойынша боялуға тиіс жедел және арнайы қызметтер тізбесін бекіту туралы" Қазақстан Республикасы Үкіметінің 2014 жылғы 13 қарашадағы № 1196 қаулысымен бекітілген жол қозғалысының ережесін өрескел бұзбаған.

14. Балаларды тасымалдау кезінде автобустың жүргізушісіне мыналар рұқсат етілмейді:

1) сағатына 60 километр артық жылдамдықпен жүруге;

2) жүру маршрутын өзгертуге;

3) балалар бар автобус салонында қол жүгі мен балалардың жеке заттарынан басқа кез келген жүкті, багажды немесе мүкәммалды тасымалдауға;

4) автобуста балалар болған кезінде, соның ішінде балаларды отырғызу және түсіру кезінде автобус салонынан шығуға;

5) автомобиль легінде жүру кезінде алда жүрген автобусты басып озуға;

6) автобуспен артқа қарай қозғалысты жүзеге асыруға;

7) егер ол көлік құралының өздігінен қозғалуын немесе оны жүргізуші жоқ болғанда пайдалануын болдырмау шараларын қолданбаса, өз орнын тастап кетуге немесе көлік құралын қалдыруға.

© 2012. Қазақстан Республикасы Әділет министрлігінің «Қазақстан Республикасының Заңнама және құқықтық ақпарат институты» ШЖҚ РМК